

## Laavkomen vadtese

Dan bætijen jaepien mijjeh gærhkosne sijhtebe lissie tsåatskelesvoetem laavkoemasse vedtedh. Maam laavkoemisnie utnebe? Man åvteste edtjebe lååvkesovvedh?

Dehtie raejeste Jeesuse mijjem birri laavkodh, almetjh Leah laavkomem syökeme. laavkome lea stoerre åavtoe. Ij gåaredh baakoejgumie ellieslaakan buerkiestidh mij heannede. Tjaetsie gåajstasåvva Aehtjien, Baarnien jìh Aejlies voejkenen nommesne. Vaentjielisnie, dihte jielije Baakoe, tjaetsie aarmoen gaaltijnie sjædta. Laavkome mijjese åesiem vadta påaskesoptsesisnie Jeesusen bÿjre mij sealadi jìh jaemiedistie tjuedtjeli.

Mijjen aerpievuekien mietie maanah laavkoemasse guadtalgieh. Mijjeh dam orre jieledem aavoedibie jìh maanam Jupmelen gÿeti sijse biejebe. Eejhtegh gellie veeljemh darjoeh sijjen maanaj åvteste. Gosse maana lååvkesåvva, eejhtegh jìh faadterh jaavoe maanan åvteste vaestiedieh. Men ij Leah gåessie gænnah fer seenhte lååvkesovvedh. Gosse noerh jìh geerve almetjh lååvkesuvvieh, dellie jÿjtjh jaavoe vaestiedieh. Aaj dellie faadterh Leah riejries dam lååvkeme almetjem viehkietidh laavkoemisnie jìh jaahkosne Jeesusasse jieleddh. Bijpelesoptsesish, rohkelassh, aejlies maalestahke jìh ektievoete gærhkose Leah akte bielie laavkomen bueriesjugniedasseste.

Tjaetsie dennie jupmeles laavkoemisnie lea væhta mij dovne jieledem jìh jaemedem tjeekie. Tjaetsie lea mijjen jieledden vårome jìh seamma tÿjjen aajhtoe. Gosse laavkomem aavoedibie dan åvteste aaj baakoeh disse biejebe jìh vuastalibie dam mij lea nåake jìh Jupmelen væljoen vöoste. Dam ektesne darjobe gosse bahhasvoetem nyöjhkebe jìh jaahkoem boejhkesjibie. laavkome ij mijjem vestiesvoeteste, sådtoste jìh vesties faamojste vaarjelh. Dihte mijjese dåajvoem jìh håhkoem vadta jieledden faamoeh Leah veaksahkåbpoe, jìh Jupmele mijjem soelkede jìh mijjem gaajhkeste reejnie mij lea ovreakta.

Jielede mijjem bæjjese jìh våålese buakta. Mijjeh dovne veaksehke jìh præåsehke, jìh daarpesjibie meatan årrodh ektievoetesne. Jalhts mijjeh joekehts, laavkoemisnie mijjeh gaajhki dåaresth aktanibie. laavkome ektievoetem vadta Kristusnie jìh kristeles åerpenigumie mijjen voenges åålmegisnie jìh dennie veartenevijries gærhkosne. Daate ektievoete guhkiem jìh gåhkese ryökhoe: juktie lea akte jaahkoe, akte kristeme, akte gærhkoe. Dihte maam mijjeh laavkoemisnie åadtjobe heartoeh jìh vieksiesvoetem vadta Jupmelem jìh mijjen mubpiem iehtsedh.

Laavkome lea Jupmelen vadtese, aarmoste vadteme, golme gÿetendievh tjaetseste, gååjveme Aehtjien, Baarnien jìh Aejlies voejkenen nommesne ihkuven jieliedasse. Mijjeh bætijen aejkien gaavnedibie Kristusnie ektine.